

O BARCO

Festas do Cristo

13-17 SETEMBRO 2023





SAÚDA DO ALCALDE

Chegan as Festas do Cristo. As festas maiores do Barco, que reúnen de novo a vellos amigos, xuntan nunha mesa á familia e axudan a que, por uns días, a ledicia e a diversión reínen na vila. O programa previsto para este ano é froito de moito tempo de traballo da Concellería de Cultura, e espero que sexa do agrado tanto dos veciños e veciñas da localidade como de todos aqueles que nos visitan durante estes días.

Neste programa de festas hai un amplo abano de posibilidades para todos: deporte, actuacións musicais, boas orquestras, coa Panorama para o día grande, actividades culturais para todos, e actos para os máis pequenos. Outro acto relevante deste ano será a actuación do grupo "Los Secretos", prato forte dos concertos que terán lugar na nosa vila para celebrar o 50 aniversario do Centro de Deportes Barco. Noraboa á directiva, xogadores e seguidores por esta efeméride.

Espero que estas festas sirvan para que todos e todas poidamos esquecer por un tempo os problemas que nos preocupan durante o resto do ano. É momento de estar cos amigos aos que hai tempo que non vemos, de gozar das comidas



familiares, de volver a encher o noso paseo do Malecón e de non deixar pasar as oportunidades de diversión que se ofrecen con motivo das Festas do Cristo. É, en definitiva, o momento de vivir con intensidade as últimas festas deste verán, antes de que de novo chegue o outono e a volta á rutina.

Quero facer chegar unha aperta a aqueles barquenses que non estarán connosco nestas festas, e un agradecemento especial para os que nas últimas semanas, e tamén durante os días festivos, están traballando para que transcorran da mellor forma posible e para que o resto da veciñanza poidamos gozar delas.

Felices festas do Cristo!!!!

Alfredo García

Alcalde



O pregón 2023



JULIO MOURELO FULGUERAL

Julio Mourelo Fulgueral naceu en Tarifa (Cádiz) o 20 de agosto de 1944. Outramente, considérase barquense, xa que aos 2 anos regresa ao Barco coa súa nai Gloria. O seu pai, carabineiro de profesión antes que churreiro, quedou no seu destino uns anos máis.

A infancia de Julio transcorreu feliz entre a escola e a catequese de D. Miguel. Comezou os seus estudos de bacharelato na academia dos irmáns Dequidt e xa de adolescente pasa a cursar a peritaxe mercantil na Academia Comercial.

Antes de cumprir co servizo militar obrigatorio, compaxinou cos seus estudos dúas importantes afeccións: a fotografía e a música; fundando co seu amigo Gildo a rondalla "Airiños do Barco" en 1961, na que el tocaba, entre outros instrumentos, a guitarra, unha que o seu pai lle comprara por 100 pesetas.

En 1966, tras unha oposición, iniciou a súa vida laboral en Caja Ourense, desenvolvendo o seu traballo ata a súa xubilación.

Aos 22 anos coñece a Marta, que o 25 de outubro de 1968 se converte na súa esposa e na nai dos seus fillos.

Gran parte da súa vida a dedicou ao coidado dos seus: país, sogros, fillos e netos. Pero a dedicación á súa familia non lle impediu destinar gran parte do seu tempo libre ao servizo desinteresado en distintas asociacións.

Entre os anos 1970 e 2012 dirixiu o coro parroquial de Viloiira con gran familiaridade e entusiasmo.



Dende 1972 desempeñou o cargo de tesoureiro na confraría Jesús Nazareno.

Foi tamén tesoureiro no Orfeón Valdeorrés e no Casino do Barco. En ambas tamén formou parte da xunta directiva.

En 2009 e ata o 2022 fíxose cargo da dirección de Cáritas interparroquial, atendendo á invitación de dous amigos seus. Neste organismo deixou constancia do seu bo facer e empatía coas persoas máis necesitadas.

Neste 2023 Julio Mourelo será o encargado de ler o Pregón das Festas do Cristo.



PROGRAMA FESTAS DO CRISTO

Venres 8 de setembro
**Inauguración da exposición
Martín Códax**

 **Teatro Lauro Olmo**

 **20:00 horas**

Esta exposición consta de 12 paneis con información sobre o pergamino Vindel. Tamén forma parte da mostra unha edición faxsímile do pergamiño.

Sábado 9 de setembro
**6º Memorial Jess Carrera
de Fútbol-Sala**

 **Pavillón de Calabagueiros**

 **19:45 horas**

Pizarras Los Tres Cuñados - Sala Ourense
2014 F.S. (2ª nacional B)



Martes 12 de setembro
**Anxo Santomil.
Exposición**

 **Casino do Barco**

 **20:00 horas**

Unha pequena escolma de traballos realizados a plumilla e tinta reproducindo obras arquitectónicas, detalles artísticos e paisaxes urbanas.

E X P O S I C I Ó N



Anxo Santomil DEBUXOS

Unha pequena escolma de traballos realizados a plumilla e tinta reproducindo obras arquitectónicas, detalles artísticos e paisaxes urbanos

12-30 SETEMBRO 2023

CASINO
Sala de exposicións



Mércores 13 de setembro

Circo Krasnovarak

 O Malecón


 19:00 horas

Troula Animación presenta 'Circo Krasnovarak', un espectáculo con animais xigantes que percorreren as rúas do Barco. Un divertido e orixinal pasarrúas para público familiar.



Pasarrúas Abertal

 Do Malecón ata a praza Maior


 20:30 horas

A agrupación valdeorresa dirixida por Manuel Anxo Durán acompañará ás populares calantornias no seu percorrido cara á praza Maior.



Pregón e chupinazo

 Praza Maior


 21:00 horas

Julio Mourelo será o encargado de ler o pregón das Festas deste ano. Ao final do acto, o chupinazo marcará o inicio das Festas do Cristo 2023.




Grupo América

 Campo da Festa

 00:00 horas - Pase único

A formación cumpre neste 2023 47 anos de vida. Está considerado o mellor grupo de Galicia e uns dos mellores de España. Os seus espectáculos destacan pola forza e frescura da interpretación en directo, por un repertorio sorprendente, unha posta en escena contundente, unha montaxe acorde aos tempos e un son moi potente.



Xoves 14 de setembro. Día do Cristo

O Madrugón

 Río Sil


 08:00 horas

Tradicional baixada a nado do río Sil. Saída dende a Capitana ao Malecón. Haberá premios para o 1º home, 1ª muller, familia máis numerosa e mellor disfrace. Haberá chocolatada ao finalizar para todas as persoas participantes. Non precisa inscrición.



Procesión e Misa do Cristo

 Praza Maior

 12:00 horas

Procesión coa imaxe de Xesús Nazareno e de seguido, misa solemne na súa honra.



Agrupación Musical da Limia cos cabezudos e calantornias

 Pasarrúas

 11:00 horas

A banda de música percorrerá as rúas e acompañará ás calantornias e aos cabezudos.



Concerto da Agrupación Musical da Limia

 O Malecón, zona Correos

 13:45 horas

A banda de música da Agrupación Musical da Limia, unha formación con máis de 18 anos de vida, será a encargada de dar o concerto do Cristo.



Concerto "Día das artes galegas Martín Códax"

Teatro Luro Olmo

19:00 horas

Beatriz Riobó Agulla, soprano acompañada de Alejo Amoedo ao piano, interpretarán un repertorio de pezas galegas entre as que destacan as 7 cantigas de Martín Códax en versión para canto e piano de Margarita Viso.



Fogos artificiais

O Malecón

22:30 horas

Tradicional sesión de fogos artificiais sobre o río Sil disparados pola Pirotecnia Penide.



Orquestra Panorama

Campo da Festa

21:00 horas - 1º pase

A orquestra Panorama foi a encargada de revolucionar o ambiente musical das verbenas innovando cos grandes éxitos musicais máis actuais e introducindo novos estilos, así como con actuacións novidosas con fermance, acróbatas, disfraces, técnicas punteiras en luz e son coas que conseguiu atraer a un público máis novo e introduci-lo na cultura das verbenas.

A orquestra ten participado en galas contra o cancro e compartiu escenario con David Bisbal, Mónica Naranjo e Carlos Baute entre outros.

A día de hoxe realiza xiras por toda España

00:30 horas - 2º pase

e está considerada socialmente unha das mellores orquestras do noso país.



Venres 15 de setembro

Charanga TDB

 Pasarrúas

 11:00 horas



The Show Moscón

 Beira do Sil

 19:00 horas

Tras case 15 años producindo espectáculos con títeres, Galitooon presenta a súa nova obra. "The Show Moscón", é un Circo de títeres ambulante de "varietés", presentado por un moscón. Entre os diferentes números poderemos gozar de verdadeiras divas da canción, absurdos números musicais, arrepiantes magos e mentalistas, bebés equilibristas e un senfín de humor.



Concerto Son do Sil

 Praza Maior

 23:00 horas

Nace como formación musical masculina en 2007 grazas ao proxecto común de músicos e cantantes de distintas procedencias Tuna de O'Barco e outras tunas universitarias e agrupacións corais, entre elas o Orfeón Valdeorrés. Despois do parón motivado pola pandemia, rexorden con máis forza que nunca para presentarnos o seu novo repertorio coa calidade de sempre.



Orquestra Tekila

 Campo da Festa

 20:30 horas - 1º pase

 00:59 horas - 2º pase

Se falamos de orquestras asturianas, sen dúbida o Grupo Tekila é unha das máis importantes. O seu secreto: a súa intensidade, as súas ganas de crecer e a súa constante innovación. As cancións que interpreta o grupo Tekila van dende o pasodobre ata o reggaetón.



Sábado 16 de setembro

Parque de xogos

📍 Pavillón Vello

🕒 11:00 a 14:00 horas

🕒 17:00 a 20:00 horas

Inchables para os máis pequenos da casa.



5º Campionato de Petanca "Festas do Cristo"

📍 Pistas do Chao

🕒 Mañá e tarde

Organiza: Club Petanca Valdeorras



Festa das pandillas

📍 Praia fluvial do Malecón

🕒 12:30 horas

Recepción de pandillas do Barco ás 12:30 horas. A partir das 13 h. sesión vermú da Festa das pandillas do Barco amenizada polo grupo "Los Íñigos", que chegan do pasado e veñen dispostos a recuperar o esplendor da música española e facer bailar a todo o que se lles poña por diante. Seis músicos en rigoroso directo con moitas ganas de que o público o pase, polo menos, tan ben coma eles. A continuación, xantar popular. Necesaria a inscrición previa das pandillas a través da web do Concello ou no 3º andar do edificio multiúsos.



Sábado 16 de setembro (cont.)

Descenso Turístico do Sil

📍 Sobradelo - O Barco

🕒 16:00 horas

Descenso popular polas augas do Sil para todas aquelas persoas que desexen participar nas súas propias embarcacións, lanchas, kaiaks...



Tren Fluvial

📍 Estación de tren do Barco

🕒 17:30 horas

Saída do tren fluvial (gratuito) ata Sobradelo para animar o Descenso do Sil, acompañados da charanga Achicoria.



Pizarras Los Tres Cuñados F.S. vs CVC Valladares F.S.

📍 Pavillón de Calabagueiros

🕒 19:30 horas

Partido de Fútbol-Sala da liga, xornada 1.

LV Descenso do Sil en Piragua

📍 Sobradelo - O Barco

🕒 18:00 horas

55 edición desta veterana e prestixiosa proba de piragüismo, un dos actos imprescindibles das festas do Barco. Ás 20:00 horas no Malecón, terá lugar o acto de entrega de premios.



Orquestra Cinema

📍 Campo da Festa

🕒 21:00 horas - 1º pase

🕒 01:30 horas - 2º pase

Tras vinte anos de evolución e reinvenções, a orquestra estradense conseguiu consolidarse como unha das mellores orquestras de Galicia.



Concertos

50° Aniversario C.D. Barco

 Explanada de CEDIE

 A partir das 22:30 horas

Para celebrar os 50 anos do Centro de Deportes Barco, a banda "Los Secretos" actuará no Barco ás 23:30 h.

Letras que se aproximan ao poema e sons que evocan melancolías. Esta e a fórmula coa que a incombustible banda de "Los Secretos" leva trunfando dende os anos oitenta. As súas míticas, inolvidables e sobrevias cancións acompañannos nos recordos alegres e tamén nos momentos de soidade. Quen non sabería acompañar a letra de temas como *Déjame*, *Ojos de gata*, *Pero a tu lado* ou *Aunque tú no lo sepas?*.

O concerto dos secretos estará precedido polo grupo local Sr. Jingles.

Despois das actuacións dos grupos, a DJ Sofía Cristo, acompañada dos DJ locais Jorge Rodríguez e Dani Argü Dj continuarán animando a festa.



Domingo 17 de setembro

Grupo Amanecer Os Charangueiros

📍 Rúas do Barco

🕒 12:00 horas

Percorrerán ás rúas do Barco animando a gozar da festa dende as primeiras horas do día.



La Banda del Pájaro

📍 O Malecón esquina José Otero

🕒 13:00 horas

“La Banda del Pájaro” é unha formación de catro músicos da Coruña que teñen unha longa bagaxe nos escenarios e locais de Galicia tocando versións de todas as épocas e facendo un directo próximo e participativo co público.



Parque de xogos

📍 Pavillón Vello

🕒 11:00 a 14:00 horas

🕒 17:00 a 20:00 horas

Inchables para os máis pequenos da casa.



XXXV Milla Urbana do Barco

📍 O Malecón

🕒 18:00 horas

Proba nacional de atletismo nas categorías absolutas masculina e feminina e carreira popular para todas as idades. Ás 20:30 terá lugar a entrega de premios no Malecón.



CD Barco - CP Alertanavia

📍 Campo de Calabagueiros

🕒 18:00 horas

Partido de liga rexional preferente CD Barco - CP Alertanavia.



Orquestra Gran Parada

📍 Campo da Festa

🕒 20:30 horas - Pase único

Gran Parada é unha das formacións musicais con máis historia de Galicia. Ao longo deste máis de medio século de historia, o esforzo e a categoría dos seus músicos e cantantes lograron un éxito notable e a orquestra está hoxe entre as máis destacadas formacións musicais de Galicia.



Luns 18 de setembro

Día do neno

Pases a metade de prezo
en todas as atraccións





DESEÑO DO CARTEL: ANXO SANTOMIL